

Jakt på rådyr på Døsslandsido

20.05.2011

**Det skal opnast for jakt på rådyr og Øvre Feet-Døssland
Hjortevald ved Halvard Døssland har no søkt kommunen
om fellingsløyve på valdet.**

**Det var i april forvaltningskomiteen vedtok å leggja forslaget
til ny forskrift for denne jakta ut på høyring med 5. mai som frist.
Fristen for å søkja om fellingsløyve var 15. mai og
valdet på Døsslandsido søkte før fristen**

Viltforvaltninga opplyser at det er registrert rådyr over det meste av kommunen og dei siste åra har det vorte ein auke av dyr som har omkomme etter trafikkskade og dyr som er funne døde. Det gjeld 6 dyr begge dei to siste åra og dette er om lag ein seksdel av totalt trafikkdrepne dyr.

Det har også kome klager etter beiteskadar i blomebed og hagar, og klage om skadar på kyrkjegardane på Valen og Husnes. Forvaltninga slår fast at rådyr produserer eit jaktbart overskot i deler av kommunen.

Minstearealet er sett til 1500 dekar pr. dyr

Av Ola Matti Mathisen